

聖迦毘忿怒金剛童子菩薩成就儀軌經卷下

唐三藏沙門大廣智不空譯

我今說縛撲印法先以瞿摩夷塗一圓壇一  
肘量取七八歲童男或童女著新淨衣先令  
潔淨三日立於壇中燒安息香先加持香七  
徧然後燒之又取華加持七徧置童子當中  
令掩面然後行者結契誦真言行者面向東  
童子面向西其印以二手內相叉作拳二小  
指相鈎以大指並豎捻如鉤鎖形安於額牢  
掘彼童男即語以二大指向外撥童子即卻  
遠後行二大指向身招童子即向前來即成  
鉤召以印左右揮其童子即隨印左右撲舉  
印向上童子即立問其吉凶三世之事一一  
皆實所作疾成爾時金剛手菩薩以偈頌曰

此金剛童子 從我三昧生 成辦一切事  
忿怒王大力 即我金剛手 調伏難調者  
能滅除諸罪 暴惡諸藥叉 及諸羅刹衆  
惱害修行者 令彼速除滅 梵王及帝釋  
水天諸天王 及餘威德者 刹那令滅壞  
受持者應當 言四 入忿怒王定 威德如金剛  
能伏難調者 悉皆令順伏

又法取蓮華或有香氣華護摩所求皆得  
又結印誦吽字真言即得山嶽摧倒亦能枯  
竭河水亦能破阿脩羅關鍵爾時金剛手菩  
薩告大眾言此忿怒王有無量威德大神通  
力善能調伏難調故示諸方便從於三昧  
生此菩薩適纔憶念一切鬼魅悉皆馳走一  
切惡心衆生皆當損壞一切災禍悉皆除滅  
若有受持此真言者自然成受三昧耶戒若

求悉地速得成就無能沮壞不墮諸惡趣速證菩薩地成無上菩提有繞誦一徧則能除一切災禍能禁制虎狼師子惡龍等加持土塊擲彼身上則不能爲害若被日月五星逼近本命宿者能常念誦不招災禍若被除佗人災者以白芥子和乳稱彼名護摩則息災若犯羅刹鬼所持或爲怨家所逼害當念誦真言即得解脫怨家慈心相向

又若有鬭訟取蘇摩那華護摩七夜夜別一百八徧徧一擲火中諍訟消滅若有修行應入此曼茶羅受灌頂當分地拚線阿闍梨應淨其地以五色線拚壇壇八肘或十二肘或十六肘如先說法儀則四方四門於中央畫蘇嚕蘇嚕大忿怒王金剛手持金剛杵金剛手明王右邊畫金剛族中金剛鉤明妃右邊

畫大抱誠縛底明妃南邊畫步擲金剛大恐怖眼等右邊畫難覩十大忿怒金剛所謂難覩忿怒金剛水中忿怒金剛降伏忿怒金剛阿波羅爾忿怒金剛摧天忿怒金剛恐怖天忿怒金剛須彌忿怒金剛寶峯忿怒金剛降三世忿怒金剛光明熾盛忿怒金剛北邊青捧等十金剛所謂青捧金剛謨時迦羅金剛劫比羅金剛大笑金剛勇健步金剛舉足步金剛摩醯首羅步金剛一霹靂金剛摧伏金剛大棒金剛西方畫難勝等八大金剛所謂難勝金剛忿怒金剛難持金剛恐怖金剛極忿怒金剛三世金剛成就金剛大忿怒金剛若欲於佗怨敵惡人得勝者壇內四門各各門右邊畫金剛恐怖忿怒菩薩左邊畫軍吒利金剛於外四門右邊畫霹靂忿怒金剛左

邊畫金剛鎖忿怒金剛於二忿怒金剛前應  
畫天阿脩羅諸龍及諸魔作恐怖受降伏勢  
於壇外界道畫諸天衆以塗香時華飲食燈  
明置壇四邊供養一切諸菩薩金剛明王各  
各聖者皆以本真言迎請迎請已獻闕伽供  
養結印請諸聖者真言各各呈本三昧耶印  
然後引弟子入壇擲華隨華著處聖者便授  
與本尊真言即應灌頂於此大忿怒曼茶羅  
所求勝願及破佗敵則得滿足由入此曼茶  
羅一切疫病鬼魅一切障難悉皆消滅於此  
壇亦能成就一切藥物安怛但那入阿脩羅  
宮悉皆成就

爾時金剛祕密主見未來一切有情爲利益  
安樂故略說成辦一切曼茶羅以少財寶以  
少時分持誦者但清淨住戒兼助伴清淨修

行或於白月一日或二日或五日或八日或  
十四日或於滿月十五日取如是等日起首  
修曼茶羅或於城內或於城外或寺中或村  
邑聚落於東北方華果茂盛叢林名華軟草  
寂靜處於神通月建立曼茶羅如瞿呬邪經  
所說治地淨地兼分位已應畫聖金剛童子  
曼茶羅此壇能成就一切大事有威德若修  
行具諸律儀依蘇悉地教王及依最勝經不  
久成就所有鬼魅作障礙者及餘九執聖凡  
種種相貌纔稱彼名四散馳走若見此曼茶  
羅得灌頂已則得三昧耶戒然後從師受真  
言印契儀軌克獲成就如前所說金剛王經  
中法若有勤勇者成就無疑爾時金剛祕密  
主告諸天衆言末法之時修此教者有懈怠  
不具真言律儀者或惡龍雷震諸魔變現種

種身形惱亂持誦者及諸布單那鬼吸人精氣鬼弄天趣之中犯羅刹及諸天母衆等或在須彌山及諸寶山莊嚴之處山河峯側巖窟林野大江沼大樹大河大海之間雲霧波澤悅意華果樹下及興雲降雨山處故園故廟一切鬼神多依如上諸處住好作障難伺求人過若不依軌法即爲彼魔得便爲如是

等種種有情故說斯法令持誦者不爲衆魔之所便我金剛手菩薩爲愍念有情示現真言王忿怒形由此真言威力一切藥叉羅刹天衆見我者皆大怖畏於求一切成就法中一切真言忿怒衆中我爲最勝王哀愍難調於諸有情作障難者爲調伏彼故說是真言於三昧中示現此形從額流出是故一切真言無比大威德大忿怒大怖畏大名稱爲

護王及正法故我祕密主說金剛童子法於此教中當作息災增益敬愛等若有於佛教起邪見瞋毒心滅正法者應作猛利心作降伏法若彼降伏受諸苦惱欲令除者應用乳木作護摩即得息災我今又說求悉地時能成辦諸事印加持所成就物真言曰

唵引一迦毘矩嚕二合馱二薩嚩薩怛嚩二合婆嚩去孕羯囉三羅乞灑二嚩乞灑二合薩嚩捺嚩二合尾野二合

毘婆嚩二合賀五

澡洗印準前獨股杵印二大指並入掌手腕

相著即成真言曰

唵引迦毘矩嚕二合羅拽蹉婆嚩二合賀二

道場掃地真言曰

迦毘麼一引羅野二吽引

求成就時縛難調者準前根本印以大指於

掌中交真言曰

唵引迦泥戌引灑野二薩縛努瑟鵠引三合滿

默野滿默野四吽五發吒六半音

廣大金剛心印準前獨股杵印以二大指掌  
中相搃

廣大金剛隨心印準前心印以二大指並豎  
亦名蓮華金剛印最勝心印準前最勝印屈  
二小指頭相拄若種種障難家中不祥結此  
印念誦即皆消滅最勝隨心印準前最勝印  
舒二名指此印能成辦一切事若入脩羅宮  
亦用此印有大威力

次說大鉤印二手內相叉二頭指屈如鉤此  
印三界中所有衆生之類皆能召得若召阿  
脩羅女於七日中即來

又說解擎吉你印如前獨股印舒二小指二

頭指頭相合餘六指內相叉以二大指數數  
開之非但解擎吉你亦能除地居一切鬼魅  
法此即用根本真言

又說調伏一切龍印準前獨股杵印屈大指  
入掌以甲正相向想彼龍在大指節間此印

言四

能伏一切龍

言四

祈雨止雨一切諸龍見此印馳

散遠去亦能除一切毒蟲所嚙由此印威力  
不被諸毒傷害若已被傷者即差

又說驅擯一切難調有情印二手內相叉以  
二大指四相合此印有大威力諸大力天及

惡鬼神不順教者悉能驅逐用根本真言

又法以阿落得迦胭書彼人名於掌中用火  
灸掌念誦真言句中加彼人名須臾即至

又持根本真言十萬徧然後取安息香作十  
萬丸護摩諸藥又女毗金遮女皆能召來種

種驅使

又法若有災難及恐怖處誦真言八千徧則得災滅離怖畏

又對忿怒王像前以秞米飯和酥護摩則得家中飲食無盡

又法取護摩灰點於頂上入軍陣不被刀杖所傷於作敵得勝

又法若城邑聚落有疫病可入水念誦七夜夜別一千八徧諸疫病悉除

又法若求財寶著新淨衣對像前香泥塗一

小壇燒安息香誦真言一萬徧則得如意

又法對像前專注意誦真言三十萬徧即見

聖者所求皆得

又天久霖雨加持白芥子一百八徧徧別一

擲上散虛空即雨止

又法取一男子死屍未損壞者於屍陀林或四衢道先與藥瀉以水灌洗令瀉腹中惡物出已又以香湯洗身令淨以香塗徧身帛繪纏脰覆形華鬘嚴飾取佢陀羅木誦真言七徧加持佢陀木橛釘於頭邊以髮繫橛上持

誦者於屍心上坐面向東起慈心勇銳無恐

吉四

怖四方應置解念誦者四人執劍持誦者手

持小鐵杓酌鐵末瀉屍口中不間斷念誦其屍即出舌以利刀截取舌右手把變成劍色

如青蓮則兼諸眷屬飛騰虛空爲持明王壽

命一大劫當生金剛手菩薩宮中又法於屍陀林中共鬼交易賣摩訶莽娑與鬼取長年藥怛但那藥寶劍伏藏金銀七寶當作法時用此真言護自身及助伴皆得無礙不被鬼

幻惑所求皆成就

又法欲破佗敵者將帥已下一一皆以真言

加持七徧護身佗敵即破或以真言加持水

一千八徧散灑軍衆不被傷害得脫彼敵退

散

又法以四甕餅底不黑者取河流水滿盛及

著少分諸香及諸藥對像前加持一百八徧

頂上澆灌被人念誦久致功夫猶無現驗被  
諸魔燒惱者不祥鬼魅所持由作此灌頂洗  
浴法故諸魔魅等悉皆遠離福德熾盛速疾  
成就

言四

二十三

護曼茶羅

又法於黑月八日一日一夜不食取乳牛母  
子同色者瞿摩夷未墮地者和土作童子像  
塗一小壇置像於中其壇上廣設供養對像  
誦真言十萬徧其像動頭現餘應驗當知所

思念事皆得成就金剛童子夢中現身示教  
應作不動作事

除

又法取孔雀尾一莖加持一百八徧拂彼身

上被人被毒所中皆除差

又法取蚯蚓糞塗小圓壇於上坐誦真言一

萬徧即先行法成就先行者即真言法然後成功德劫神驗不擇時日宿直七日日誦真言一千八徧即得金錢一千

又誦真言加持索帶或灑水則成護身誦兩

徧則成結方隅界誦真言三徧護助伴四徧

護曼茶羅

又法於黑月八日一日一夜不食取芥子和  
酥護摩一千八徧則得一千金錢并得莊嚴  
又法取室麗瑟曼得迦木然火以骨屢草苗

護摩十萬即得牛一千頭

爾時金剛手菩薩爲利益安樂諸有情故說普通儀軌欲爲未來末法之時淨信修行樂大乘者及懈怠嬾惰不具慧方便者速集福德智慧修真言行爲護持正法帝王令加持

國界人民豐樂無諸災禍吉祥福德是故說此妙真言門時金剛手菩薩即從眉間出於光明照燭加持等應頂受我之所說大忿怒明王金剛童子息災騰空等成就法如上等儀汝等助護速令成就此法勿生疑惑如法

奉行

言四

二十一

聖迦栴忿怒金剛童子菩薩成就儀軌經卷

下

音釋

搘 平鳥困切捺也 摩 其月切代也 罷 五結切也 漑 古代切舊也  
涸 水手各切也 纓 切也 縷 主切綠也 拏 音撲取至切牛乳也 扑 切補耕切彈也